

Мьстислава Ростиславица, вьнука Гюргева, мѣсяця июня въ 21. Той же зимѣ 1160—65.
вѣдаша посадниѣство Нѣжатѣ, и ведоша¹ Святослава въ Ладогу, и
оттолѣ бежа въ Смольнскѣ. Томъ же лѣтѣ, на зиму, побѣди Ростислав
Изяслава Давыдовица у Бѣлагограда, и самого убиша, и множество
Половѣць паде.

Въ лѣто 6669. Уладися Ростислав съ Андрѣемъ о Новѣгородѣ, и
вывѣдоста Мьстислава, Гюргева вьнука, седевьшю ему годъ до года
без недѣлѣ, а Святослава вѣвѣдоша опять на всѣи воли его, септября
въ 28. Тѣгда же отяшя посадниѣство у Нѣжате, а Заха||рии даша. л. 32
Томъ же лѣтѣ стоя всѣ лѣто ведромъ и пригорѣ всѣ жито, а на осѣнь
уби всю ярь морозѣ. Еще же, за грѣхы наша, не то зло оставися,
нѣ паки на зиму ста вся зима тепломъ и дѣжгемъ, и громъ бысть; и
купляхомъ кадку малую по 7 кунѣ. О, велика скѣрбь бѣше въ людѣхъ
и нужда.

Въ лѣто 6670. Прѣставися игуменъ Олькса святѣя Богородица, и
поставиша по немъ игуменомъ Мануила. Томъ же лѣтѣ у святого Духа
Съшьствия поставиша игуменомъ Саву.

Въ лѣто 6671. Преставися епископъ новѣгородьскѣи Аркадии сеп-
тября въ 19; положиша и съ честью вѣликою въ притворе святѣя
София. ||

Въ лѣто 6672. Придоша Свѣе подѣ Ладугу², и пожьгоша ладожане³ л. 32 об.
хоромы своя, а сами затворишася въ градѣ⁴ съ посадникомъ съ Нежа-
тою⁵, а по князя послаша и по новгородце. Они же приступиша подѣ
городъ въ субботу и не успѣша ничтоже къ граду, нѣ большую рану
въсприяшя; и отступиша въ рѣку Воронаи. Пятыи же день прислѣ князь
Святославъ съ новгородьци и съ посадникомъ Захариею, и наворопиша⁶
на ня, мѣсяця мая въ 28, на святого Еладия, въ четвьрток, въ часъ 5 дни;
и побѣдиша я божию помощю, овы исѣкоша, а инѣя изимаша: пришли
бо бѣху въ полушестадьсятъ шнекъ, изымаша 43 шнекъ; || а мало ихъ л. 33
убежаша и ти ѣзвѣни.

Въ лѣто 6673. Поставленъ бысть Илия архиепископъ новѣгородь-
скѣи от митрополита Иоанна, при князи Русьстѣмъ Ростиславѣ, мѣсяця
марта въ 28, на вѣрбницю, и приде Новугороду мѣсяця мая въ 11,
при князи Новгородьстемъ Святославе, а при посаднице Захарии. Томъ
же лѣтѣ поставиша церковь святѣя Троица⁷ шетициници, а другую

¹ Буква о, возможно, переделана из буквы р

² В рукописи ладоугоу

³ Буква а (перед н) неясна.

⁴ В строке гра и д над строкой под дугой.

⁵ Буква а неясна.

⁶ В рукописи по описке наворопиша

⁷ В рукописи црца с титлом; испр. по КА

1165—68 на Городищи святого Николы князь Святослав. Въ то же лѣто ходи игумень Дионисии съ любовью въ Русь, и повелено бысть владыцѣ архиепископство митрополитомъ. Тои же зиме бяше сильнѣ морозѣ. ||

л. 33 об. Въ лѣто 6674. Преставися митрополитъ Иоанн Кыевѣ. Томъ же лѣтѣ заложена бысть церкви камяна святого Спаса на воротѣхъ въ манастири святого Георгия. Въ то же лѣто, на зиму приде Ростиславъ ис Кыева на Луку, и позва новгородьце на порядъ: огнищане, гридь, купьце вячшее; и ту ся разболе самъ, и воротися опять, и преставися на пути; и везоша и Кыеву, и положиша и о святого Федора.

л. 34 Въ лѣто 6675. Седе Мьстиславъ Изяславицѣ Кыевѣ на столѣ. На ту же весну заложилъ Съдко Сытиничъ церковь камяну святому мученику Бориса и Глѣба, при князи Святославе Ростиславици, при¹ архиепископѣ Илии. Въ то же лѣто приде Костянтинъ митрополитъ² въ Русь. Въ то же лѣто выиде князь Святославъ изъ Новгорода на Луку, и присла въ Новъгородъ, яко «не хоцю у васъ княжити». Новгородьци же цѣловавъше святому Богородицю, яко «не хоцемъ его», идоша прогнать его съ Лукъ. Онъ же услышавъ, оже идуть на нь, иде Торопцю, а новгородьци послаша въ Русь³ къ Мьстиславу по сынѣ. Святославъ же иде на Вьлгу, и вѣда ему Анѣдрей помощь, и пожже Новыи тѣргъ, а новотѣржци отступиша къ Новугороду; и много пакости творяше домоу ихъ, и села ихъ потрати. А братъ его Романъ || и Мьстиславъ пожьгоста Луку; а лущяне устерегосшася⁴ и отступиша они⁵ въ городъ, а ини Пльскову.

л. 34 об. И съложишася на Новъгородъ Андрѣи съ смолянны и съ полоцянны, и пути заяша, и сълы изымаша новгородьскыя вьсьде, вести не дадуце Кыеву къ Мьстиславу; а Святослава силою местяце въ городъ, а то слово рекуше: «нѣту вамъ князя иного, развѣ Святослава». Новгородьци же того не бережаху и убиша Захарию посадника и Неревина и Несду бириця, яко творяхуть е переветь дръжаще къ Святославу. И налезоша л. 35 собе путь на Вяць||ка и на Володаря; и иде Даньславъ Лазутиничъ съ дружиною Кыеву къ Мьстиславу по сынѣ; а Святославъ приде съ суждалци и съ братома и съ смолянны и съ полоцаны къ Русѣ; идоша новъгородьци съ Якуномъ противу ихъ, они же, не дошедъше⁶, воротишася: не успѣша бо ничтоже. Тѣгда же даша посадничество Якунови; и сѣдеша новъгородци бес князя отъ Сменя дни до велика дни о Якунѣ, жьдуче отъ Мьстислава сына. На ту же зиму ходи Мьстиславъ

¹ В рукописи пра

² В рукописи митрополититъ

³ В рукописи ру

⁴ Так в рукописи; ниже под 6706 г. устерегосаша

⁵ В К также они

⁶ В рукописи не дошедъшедъше

на Половѣце, и победи е, и приведе полонъ въ Русьску землю толь 1168—70
 сильно, яко и числа не бѣше. Въ то же лѣто || преставися раба божия л. 35 об.
 Анна, игуменія святѣя Варвара; и поставиша на месте ея Марьмяну.

Въ лѣто 6676. Приде князь Романъ Мьстиславиць, вѣнукъ Изяславль,
 Новугороду на столъ, мѣсяця априля въ 14, въ вѣторую недѣлю по ве-
 лице дни, индикта пьрваго; и ради быша новгородьци своему хотению.
 Въ то же лѣто ходиша новгородьци съ плъсковици къ Полотьску и
 пожьгъше волость, воротишася от города за 30 вьрсть. Тому же лѣту
 исходящю, на весну ходи Романъ съ новгородьци къ Торопцю, и пожь-
 гоша дома ихъ, и головъ множество полониша. || Въ то же врѣмя ходи л. 36
 ходиша Ростиславици съ Андреевицьмь и съ смолянны и съ полочанны
 и съ муромьци¹ и съ рязаньци на Мьстислава Кыеву; онъ же не бияся
 с ними, отступи волею Кыева.

Въ лѣто 6677. Иде Даньслав Лазутиниць за Волокъ даньникомъ
 съ дружиною; и присла Андрѣи пълкъ свои на нь, и бишася с ними,
 и бѣше новгородьць 400, а суждальць 7000; и пособи богъ новгородцемъ,
 и паде ихъ 300 и 1000, а новгородьць 15 муж; и отступиша новгородьци,
 и опять воротивъшеся, взяшя всю дань, а на суждальскы||хъ смьрдѣхъ л. 36 об.
 другую, и придоша сторови вси. Въ то же лѣто, на зиму, придоша
 подъ Новьгородъ суждальци съ Андреевицьемъ, Романъ и Мьстиславъ
 съ смольняны и съ торопьяны, муромьци и рязаньци съ двема князьма,
 полоцьскыи князь съ полочанны, и вся земля просто Русьская. Новго-
 родьци же сташа твьрдо о князи Романѣ о Мьстиславици, о Изяслави
 вѣнуче, и о посадниць о Якунѣ, и устроиша острогъ около города.
 И приступиша къ граду въ недѣлю на съборъ, и съездишася по 3 дни
 въ четвьртыи же день въ среду приступиша силою и биша||ся весь день л. 37
 и къ вечеру побѣди я князь Романъ съ новгородьци, силою крестьною
 и святою богородицею и молитвами благовѣрнаго владыкы Илие, мѣсяця
 феураря въ 25, на святого епископа Тарасия, овы исѣкоша, а другыя
 измаша, а прокъ ихъ злѣ отбѣгоша, и купляху суждальць по 2 ногатѣ.

Въ лѣто 6678. Бысть дорогъвь Новегородѣ: и купляху кадь ръжи
 по 4 гривнѣ, а хлѣбъ по 2 ногатѣ, а медь по 10 кунъ пудъ. И съду-
 мавъше новьгородьци показаша путь князю Роману, а сами послаша
 къ Ондрѣеви по миръ на всѣи воли своеи. Въ то же лѣто въ||ниде л. 37 об.
 князь Рюрикъ Ростиславиць въ Новьгородъ, мѣсяця октября въ 4,
 на святого Иерофея. Въ то же лѣто архелископъ боголюбивыи Илия
 съ братомъ Гавриломъ създаста манастирь, церковь святѣя Богоро-
 дица Благовещение. Томъ же лѣтѣ прѣставися князь Мьстиславъ Изя-
 славиць, Володимиръ вѣнукъ. Въ то же лѣто прѣставися князь Кыевѣ
 Глѣбъ Гюргевиць; и вѣвѣдоша Володимира Мьстиславиця.

¹ Последняя буква неясна.

1171—75 Въ лѣто 6679. Прѣставися князь Киевѣ Володимирѣ, сѣдѣвъ на столѣ.
л. 38 3 мѣсяцѣ. Томъ же лѣтѣ отя князь Рюрикѣ посадницьство || у Жирослава
Новгородѣ, и выгна и из города, иде¹ Суждалю къ Одрееви; и даша
посадницьство Иванку Захарииницю. Въ то же лѣто сѣде на столѣ
Киевѣ Романъ Ростиславиць. Томъ же лѣтѣ иде, на зиму, Рюрикѣ²
из Новагорода, и послаша новѣгородьци къ Одрею по князь; и присла
Жирослава посадницитѣ съ мужи своими.

л. 38 об. Въ лѣто 6680. Приде Новугороду князь Гюрги Андреевиць, Гюргеви
внукъ. Въ то же лѣто заложиха церковь камяну святого Якова
въ Неревьскомѣ коньци. Томъ же лѣтѣ выиде Романъ ис Києва Ростиславиць
волею, и сѣ||де Михалко Гюргевиць Киевѣ. Томъ же лѣтѣ,
на зиму, ходи архиепископъ новгородьскыи Илия къ Одрееви, Володимирю,
на всю правду. Тѣгда же и даша опять посадницьство Иванъ-
кови Захарииницю.

л. 39 Въ лѣто 6681. Иде князь Гюрги Андреевиць съ новгородьци и
съ ростовици Киеву на Ростиславице и прогнаша е ис Києва, и стояше
подъ Вышегородьмъ 7 недѣль, и придоша сторови³ вси Новугороду; а
Ярославъ сѣде Киевѣ Изяславиць. Томъ же лѣтѣ святи церковь Нове-
городѣ Илия архиепископъ новгородьскыи, святую || мученику Бориса
и Глеба, камяную, въ градѣ, мѣсяця октябрю⁴ в 14, а другую свя-
того Спаса на воротѣхъ святого Георгия, камяну.

л. 39 об. Въ лѣто 6682. Убиша Володимири князя Андрея свои милостьници:
на канонъ святою Петру и Павлу, в ночь, спящю ему въ Боголюбьмъ,
и бяше с нимъ одинъ кощен малъ; избивъше стороже дверьныя, при-
доша къ сѣнъмъ, князю же очютивъше, попадъ мечъ и ста у дверии,
боряся с ними, оныхъ же бяше много, а князь одинъ; яко налегоса
силою и выломиша двѣри и вѣлѣзоша на нь, и ту и насунуша рогати-
нами, и ту сконьця животъ свои. И великъ || мятежъ бысть въ земли
той и велика бѣда, и множество паде головъ, яко и числа нѣту; и потомъ
посадиша на столѣ Мьстислава Ростиславиця съ братомъ Яропѣлкомъ.
Томъ же лѣтѣ сѣдѣ Киевѣ Романъ Ростиславиць, внукъ Мьстиславль.

л. 40 Въ лѣто 6683. Выведоша из Новагорода князя Гюргя Андреевиця;
а Мьстиславъ сынъ свои посади Новгородѣ. Томъ же лѣтѣ вниде самъ
въ Новѣгородъ, бивъся съ стрѣемъ своимъ Михалкомъ, и сѣде Нове-
городѣ; а Михалко седе Володимири, а брата посади Переяслави Всѣво-
лода. Въ то же лѣто загорѣся пожаръ от⁵ || Деигуницѣ, и сѣгорѣша
церкви 3: святого Михаила и святого Якова и святого Възнесения.

¹ В рукописи иле

² В рукописи рюрюкъ

³ Второе о переделано из в

⁴ Первое я переделано из р

⁵ Внизу на полях другою рукою иосифа